



Cussegl da vischnaunca
10-2013/2016

Regulativ per la cumissiun da gestiun

M E S S A D I

dalla suprastanza communal a al cussegl da vischnaunca

Preziau signur president
Preziadas signuras cusseglieras
Preziai signurs cussegliers

Cun l'entschatta 2014 ei la cumissiun da gestiun (CdG), elegida dalla cuminonza dils votants, en uffeci. La saramentaziun ha giu liug la davosa seduta dil cussegl da vischnaunca digl onn 2013. Ils artechels 52 ss. dalla costituziun communal reglan la cumposiziun, la cumpetenza da decider, las incumbensas e cumpetenzas dalla CdG. Cun crear in agen regulativ san ins desister da circumscriber en detagl l'incarica el regulativ da fatschentas.

Tier l'elaboraziun dil regulativ ein ins sebasai sin il muster mess a disposiziun entras igl Uffeci da vischnauncas. Quel vegn applicaus da numerusas vischnauncas. La cumissiun da gestiun ha examinau il regulativ e sa s'accordar cun la versiun aschuntada.

Commentari tier singuls artechels

Art. 1

En lur posiziun sco organ communal suprem han ils votants ina certa controlla davart l'activitad dall'executiva. Arisguard sia activitad ei la CdG responsabla sulettamein enviers la cuminsonza dils votants ed ha ina posiziun independenta.

Art. 2 e 3

Impurtont ei che la cumissiun da gestiun disponi da bunas premissas da savida, las qualas san vegnir acquistadas cun frequentar cuors da scolaziun.

Art. 4

La vischnaunca ha la pusseviltad da surdar l'incarica da controlla ad in post extern. Quei vegn era a vesta dalla complexitad dalla materia era cussegliu. La cumissiun da gestiun ha en concordanza cun la suprastanza communal incumbensau naven da 2014 il biro fiduziar Confidar SA da Glion sco post da revisiun extern. Il post da revisiun d'entochen ussa Revibünden (anteriura cuminsonza da lavur Durschei, Capol, Nold e partenaris) ha visau il contract da revisiun suenter in cuoz da nov onns.

Art. 13 ss.

La CdG ei in organ da controlla e buca in organ executiv, ella astga buca survegnir incumbensas d'execuziun. Per consequenza ha ella neginas cumpetenzas independentas administrativas e da decisiun e sa buca liquidar fatschentas giuridicas el num dalla vischnaunca. La suprastanza communal sa denton consultar la cumissiun per ina cussegliaziun (p.ex. en connex cun la procedura dil preventiv, cun la planisaziun da finanzas, cun decisiuns da project).

Art. 21

La posiziun dalla CdG ed il rapport cun la proposta al cussegl da vischnaunca vegnan presentai resp. redigi e suttascrats da tut ils commembers. La CdG ei in'autoridad collegiala. Ils commembers dalla CdG ston pia representar las decisiuns dall'autoridad.



Proposta

Sebasond sin sura ponderaziuns

propo na

la suprastanza communal al cussegl da vischnaunca

- d'approbar il regulativ per la cumissiun da gestiun che entra retroactivamein cun igl eprem da schaner 2014 en vigur.

Suprastanza communal Disentis/Mustér
Il president:  Il canzlist: 
Francestg Cajacob Andri Hendry

Disentis/Mustér, ils 4 da fevrer 2014

- regulativ per la cumissiun da gestiun